



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ephemerologivm Ecclesiastio-Rubricisticum Novum

Halden, Johann Baptist

Brixinæ, 1717

Titulus X. De Dominica VI. post Epiph. & Ferijs infra Hebdomadem VI. post Epiphaniam occurrentibus.

urn:nbn:de:hbz:466:1-39937

occurrentibus ob rationem Tit. præced: allegatam sunt applicanda, sive suo locò celebretur, sive aliò.

Propria tamen Dominicæ V. post Epiph. sunt ea, quæ sequuntur: In I. Nocturno Officij hodierni ponitur Initium Epistolæ 1. B. Pauli Apost. ad Timoth. ut ibi. Lektionen quoque II. ac III. Nocturni dicuntur ut ibi in proprio de Tempore: ex quo etiam sumitur Antiphona ad *Benedictus*, & ad *Magnificat* in 2. Vesperis. Oratio propria (ex Vesperis hesterni Sabbati) uti & *Missæ*, in qua *Gloria & Credo* Oratio 2. *A cunctis*. 3. ad Libitum in fine: *Ite*. Col. virid.

Feriâ III. infra Hebdomadam

V. post Epiph. ponitur in Officio *Initium Epistolæ 2. de B. Pauli Apost. ad Timoth.* Feriâ autem V. Initium Epist. ad *Titum*; ac denique *Sabbato* ejusdem Hebdomad. *Initium Epist. ad Philemonem.* Quæ Initia Lektionû de Sacra Scriptura, si die suo poni non possint [ob occurrens Festum habens propr. Lektionen] ponuntur die alio non impedito, juxta superius tradita.

FERIIS infra Hebdomadam hanc *occurrentibus*, si quidem fiat de *Feria*, tam quoad *Missam* [quæ resumitur ex Dominica immediatè præcedente] quàm quoad *Officium*, omnia aguntur eò respectivè ac proportionaliter modò, quò supra Tit. V. dictum.

TITULUS X.

De Dominica VI. post Epiph. & Ferijs infra Hebdomadam VI. post Epiphaniam occurrentibus.

Hic quoque *Dominica*, ac *Hebdomada* ea sunt applicanda, quæ supra de *Dominica III. post Epiph. & Ferijs Heb. III. post Epiph.* sunt tradita, sive suo locò celebretur, sive non.

Propria tamen huic Dominicæ [nempe VI. post Epiph.] quando suo locò celebratur, & Ferijs eam subsequen- tibus sunt sequentia: In I. Nocturno hodierni Officij ponitur *Ini-*

ti-um Epist. B. Pauli Apost. ad Hebræos, & de ea legitur in sequentibus Ferijs, usque ad *Dominicam in Septuagesima*. Lektionen quoque II. & III. Nocturni dicuntur de ea, uti notantur in loco, hoc est, in proprio de Tempore. Exinde quoque sumuntur Antiph. ad *Benedictus*, & ad *Magnificat*, in 2. Vesp. cum *Oratione*, quæ pariter est propria, uti & *Missæ*, in qua *Gloria & Credo*. Oratio 2. à *Cunctis* 3. ad *Libitum*, nisi

F 2

nisi facienda sit Commemoratio occurrentis Festi simplicis, aut diei infra Octavam; nam in occurſu Festi simplicis Oratio 2. erit de simplicis, 3. à cunctis. In occurſu autem diei infra Octavam fit Commemoratio Octave, nec dicitur 3. tia Oratio; nisi insuper occurrat Festum simplex, ut supra in simili jam monui. In fine Missæ: *Virid.* Vide dicta superius Tit. V. *lit.*

In Ferijs Hebdomad. VI. post Epiph. resumitur pariter Missa Dominicæ proximè præcedentis (nisi fiat aut faciendum sit de *Requiem*, vel dicatur Missa *Voriva*, &c.) cum Orationibus in ea assignatis, attamen sine *Gloria* & *Credo*, & cum *Benedicamus Domino* in ejus fine. *Col. Virid.* Vide dicta superius Tit. V.

TITULUS XI.

De Dominicis, ac Ferijs à Septuagesima usque ad Quadragesimam.

S EPTUAGESIMA (ut quidam apud Henric. Pisart *Direct. Canon. cap. 5. Proprij de Temp.* volunt) ex eo dicitur, quòd *Septies* habeat *decem*, id est, *Septuaginta* dies ab ea Dominica usque ad Sabbatum in albis, quò terminatur; *SEXAGESIMA* ex eo, quòd complectatur dies *Sexaginta*, finiturque Feriâ IV. post Pascha: *QUINQUAGESIMA*, à 50. dierum numero ità dicta, ipso die Paschatis finitur; *QUADRAGESIMA* denique in Cœna Domini absolvitur; habet autem Quadragesima duos dies abstinentiæ à carne usque ad Pascha, è quibus si demas 6. Dies Dominicas erunt Triginta sex, hoc est, decima anni pars, qui communiter constat diebus 365. quibus postea S. Gregorius M. insuper quatuor primos ad-

jecit jejuniij dies, ut ità non modò *Decima* anni solveretur DEO, sed etiam jejunium 40. dierum CHRISTI DOMINI perfectè imitaremur.

Porrò hæc SEPTUAGESIMA dierum (ut quidam AA. notant) quam in præsentì observat Ecclesia, indicat illos 70. annos, quibus Filij Israël fuerunt sub servitute Babylonica, & sicut illi eo Tempore deposuerunt organa sua, dicentes: *Quomodo Cantabimus canticum Domini in terra aliena?* ità & nos deponimus *Alleluja*, quod est lætitiæ signum, quod huic Dominicæ ac Tempori non convenit, utpote in quo recolitur peccatum Adæ, ejusque per Passionem Christi Servatoris, pro nobis tam dira passi, imò & mortui in *Cruce*, expiatio; adeoque est *Tem-*